

Qbhniq ka kkita sa blaq ru yaqih

smprung squ yaqih ru blaq qu bnkis na Tayal raral hiya ga, mutux nha skahul squ mnbu ru pqlisan qu hi nha. ana su squliq qu mnbu ru squliq qu pqlisan lga galan nha spngan uzi, kya uzi qu memaw nha spngan qu mhuqil uzi ma.

nanu yasa qu maki qutux ryax mkayal kwara qu mmrhuw na Tayal mha “aki hmswa shkangiy ta qutux ywaw, mwah kin-giwan nqu utux ru mita sa yaqih ru blaq na yaw” mha. bsyaq haziy qu linnglung nha ru wal si qlung msswayal kwara.

ki'a pira ryax wal lga, mssliy musa squ syaw na gong, ktan nha kya qu cyaqung ru siliq lru si psbka hmwaw qu cyaqung mha “Tayal, baqun maku sa nyux simu hmkangiy squ galan mamu sspung sa yaqih ru blaq na ywaw, saw ta qaniy kuw? kuzing ki siliq, mspnga sami lmeliq btunux aring syaw qaniy ru krayas gong musa smatu qsyap qasa, kya myan qu lmaqux lga, yasa qu galiy sa sspngan la, baha maku syun kya qu siliq hiya gi cipuq qu hi nya?”. ktan qu siliq hiya ga si pin'syang, ini kal ana qutux ke.

cyux memaw kmrraka tmnga mita cyaqung ru siliq qu Tayal. t'aring hga yaqu cyaqung gleng lmeliq btunux, si kta cyux si “quqa.....quqa.....” hmwaw qu cyaqung ga ini plglaw ana cikuy qu btunux ka aki nya llequn. babaw nya lga snagun nqu siliq musa lmeliq btunux qasa, si kta ka wayal nya si hhwaziy lmeliq qu btunux qasa, cyux nya psrxun te qsyap na gong qu btunux qasa, memaw balay mnkux kwara qu Tayal, aw gi ima psnhiy qu siliq gi cikuy qu hi nya lpi !

tmasuq qu pinspangan na cyaqung ki siliq lga, kmal qu siliq mha “haziy na musa kuzing qu galan mamu squ sspngan lwah, hmswa ga musa nanak kuzing qu pthuzay kin-giwan squ utux mamu!” ungat qu kkal kwara nqu Tayal la.

aring ryax qasa lga, nanu yaqu siliq qaniy qu galan nha squ kita nha yaqih ru blaq na ywaw lma.

占卜鳥—Siliq

古時泰雅先輩們對於如何判別好壞凶吉，是藉自身或其他的族人生病或受傷做爲判斷依據，更甚者把死亡也列入占卜的因素。

由於判定之方式與標準不一，因此族中長老們經長時間思考，同意尋找一樣東西，來替代神靈做爲審斷凶吉與良善好壞的標準。

過段時間，族人爲了占卜的事情在河邊開會，正巧遇見烏鴉和 Siliq。烏鴉高聲大喊要做個競賽，抱一塊大石頭橫渡大河，放到對岸就可以，那個得到勝利就是族人要找的占卜鳥。

開戰之初由烏鴉首先亮相，牠得意揚揚走上去，卻不能夠使大石頭有絲毫搖動。隨後由 Siliq 出場，牠靈巧的飛過去，不費吹灰之力的把巨大無比的石頭抬到對岸，所有在岸邊觀望泰雅族人都十分驚訝。

對決結束之後，Siliq 回頭向著泰雅人說：「也許我應該成爲你們的占卜者，因爲普天之下也只有我能夠替代你們的神靈爲你們未卜先知！」。

那場決戰後，Siliq 主宰了泰雅的心靈世界，凡凶、吉、良、惡都由牠來指引泰雅的審斷。

sunu

klanay simu qutux pin'aras ke na bnkis. nanu squ raral raral hiya mga, babaw cinbwanan qaniy min'ungat qu zzik na uruw ru lhluhiy hiya ma. rhzyal ga gigway balay b'nux, ana kya qu rgyax nya mga rroq ru ttekuy nanak. taqu gong uzi ga ini baqiy squ wayal lmuhuw inu.

ki'a mha nanu, muwah sa qutux ryax qu sunu la. kwara qu sbqiy na qsya min-gyut mbhuyaw ru memaw hmor qu gong, ktan qu qsya qasa nyal si inggyut mbhuyaw ru m'bsilung lma. mnkux kwara qu Tayal ru mkura te Papak Waqa mgyay, son kasa qu qsya uzi ga, nyal si ruruw mkrkyas ru si n-ggyut mta sa b'bu na rgyax qu Tayal.

lmnglung kwara mrhuw na Tayal mha "swa nyux yan qaniy msttora qu qsya la? una kya qu nyux ss'ang nqu utux te ita ka Tayal gaw? yan nasa lga aki hmswa biqan ta qutux squliy, sgalu ta nya lga teta mswat qu qsya qaniy !" mha ru sgwayaw nha qutux mrawiy na squliy, sbuling nha kska na bsilung. n-gon nha mita qu qsya ga qzinah nya msttora ru mbhuyaw lma. mssliy kwara qu mrhuw na Tayal loziy mha "ki'a hazy nyux t'uqu nqu psqrgan ta yaqih na squliy la? balay ga anay ta sgwayaw squ laqiy na mrhuw ka kneril, teta snhyun nqu utux qu cin-glwan na inlungan ta". nanu yasa qu sgwayaw nha balay sa 'laqiy na mrhuw ka kneril, sbuling nha loziy squ kska na qsya qu squliy qasa.

bsyaq hazy innaga nha lga, si kta ka wayal si gisa "gur" msluhy qu qsya la. babaw nya lga min-ggyut mqlih qu qsya lma, memaw balay mzimu kwara qu 'laqiy na Tayal, swa ga nyux balay glgan na utux qu cin-glwan nha, ulung su sa sbiqan nha qu kneril ka 'laqiy na mrhuw nha.

babaw na minsunu limga, tngan kwara qu rhzyal wayal masuq msluhy ru zzik qu uruw la. taqu 'nwahan na qsya hiya ga cyux masuq pqaya kwara qu qlqulih ru tlaqiy, memaw ini kkwa'iy maniq nqu Tayal, kya ruma mga wal si pstmah squ pinqzyan nya lma. nanu yasa qu t'aring maki qu yaba na rrgyax ru zzik na uruw uzi la. nanu yani qu ywaw na sunu ka pinqzyuwan kinmhgan.

113 年校內語文競賽臺灣原住民族語言朗讀文章【賽考利克泰雅語】編號 2 號

洪水

據說遠古以前，整個宇宙大地是一片不著邊際地平坦平原，即使有山也是矮小的山丘，河流亦看不出流向何方。

有一天，大洪水狂濤般的侵襲，河水不斷的增加，大地變汪洋，泰雅人驚慌之餘朝向山頂高處躲藏。

劫難之際，泰雅先輩長老們商議、挑選了一位卑劣的族人拋向大水之中。但河水更是狂濤怒號，漲勢愈烈。族中領袖再次緊急會商，把公主拋入狂濤巨浪之中。突然之間河水漸漸的乾涸，族人歡欣鼓舞，洪水終於能夠離他們而去。因為他們的乞求，蒙神靈所願，承獻了一位酋長掌上明珠。

洪水消退不久後，大地的景觀盡是崩陷、深坑溝谷。洪水所到之處，許多的魚、鱸鰻被拌住在山間涯下，泰雅族人盡力取而食之，但是無法完全取食，多數腐爛在被拌住的地方。

自此以後，原野大地的景觀才充滿山嶺峰巖、深坑溝谷。這就是泰雅先輩所傳訴有關洪水的事蹟。